



MISA CON NENOS

20 de maio de 2018

Domingo de Pentecoste



Evanxeo de san Xoán 20,19-23:

***“Como o Pai me enviou,
así tamén vos envío eu. Recibide o Espírito
Santo”.***

**Mensaxe: Conducidos por XESÚS e movidos
polo seu ESPÍRITO, seremos UN.**

1. ACOLLIDA

Benvidos Irmáns e irmás:

Benvidos á celebración do domingo de Pentecoste, o último día da cincuentena pascual. Hoxe evocamos a experiencia dos apóstolos: o Espírito descende sobre eles, éncheos de coraxe e lánzaos a evangelizar, dando testemuño do Señor Xesús. Como entón, nós celebramos que Xesús nos regala o seu Espírito que nos fai homes e mulleres novos e énchenos de forza para difundir apaixonadamente o Evanxeo. Dános ás para elevarse por encima de intereses e buscar a felicidade que é Deus, únenos e sostennos. Ven Espírito Santo!, é o grito que lanza hoxe toda a Igrexa. E pedímoslle que nos encha de renovación interior, de forza, de ilusión, de ledicia, de ganas de vivir a nosa fe como membros da Igrexa de Cristo. (Un cartel: “O Espírito Santo únenos e sostennos”).

No nome... - ***O Deus da vida que resucitou a Xesús e, pola acción do Espírito Santo, énchenos de alegría e de paz, sexa con todos vós.***

2. PETICIONES DE PERDÓN o ASPERSIÓN

Pedimos perdón ao Señor polos pecados persoais e colectivos ao celebrar a Eucaristía:

- Porque moitas veces vivimos de costas á acción do teu Espírito, dicímosche: *Señor, ten piedade de nós.*
- Polos obstáculos que poñemos á manifestación do teu Espírito nas nosas vidas, rogámosche: *Cristo, ten piedade de nós.*
- Polas veces que non fomos testemuñas da bondade de Deus segundo o Espírito de Xesús, pedímosche: *Señor, ten piedade de nós.*

3. MONICIÓN ÁS LECTURAS

As lecturas deste domingo fálannos todas do Espírito Santo. O libro dos Feitos narra a vinda do Espírito aos apóstolos enchéndose todos del e falando en diversas linguas. San Paulo afirma que é a acción de Espírito a que nos leva a confesar a Xesús, a estar unidos e a vivir os carismas que el nos regalou. No evanxeo, Xesús preséntase no medio dos apóstolos e éncheos de paz, de ledicia e dálles o poder de perdoar.



4. PETICIÓNS

Pidamos ao Pai que nos envíe e nos robusteza coa forza do Espírito de Xesús.

-Dános, Señor, o teu Espírito.

1. Que o teu Espírito encha a terra de paz. **Oremos.**
2. Que o teu Espírito chegue a todos os que necesitan esperanza. **Oremos.**
3. Que o teu Espírito abrande os corazóns empobrecidos. **Oremos.**
4. Que o teu Espírito ilumine os que están na noite do egoísmo. **Oremos.**
5. Que o teu Espírito nos regale os seus dons de sabedoría e fortaleza. **Oremos.**
6. Que o teu Espírito nos inspire a realizar o que che é grato. **Oremos.**
7. Que o teu Espírito guíe os que te buscan. **Oremos.**
8. Que o teu Espírito nos dea o gusto das benaventuranzas. **Oremos.**

9. Que o teu Espírito nos anime a querer a Deus máis que ás cousas. **Oremos.**
 10. Que o teu Espírito nos axude aos que imos comungar por 1ª vez, a serche fieis. **Oremos.**
 11. Que o teu Espírito encha de forza renovadora os que recibiron ou recibirán proximamente a confirmación.

Oremos.

Envía o teu Espírito, Señor, para que sempre vivamos na túa presenza. Por XNS...

5. OFRENDAS

CRISMA: Hoxe presentámosche o Crisma usado no noso bautismo e na confirmación.

No Bautismo recibimos o Espírito Santo que nos fai Cristiáns, nacemos á vida divina e entramos na Igrexa. Na confirmación o Espírito de Xesús fainos crecer e perfecciónanos como cristiáns.

7 VELAS VERMELLAS: Con estas 7 velas acesas queremos representar os 7 dons que o Espírito dá aos que seguen a Xesús: Sabedoría, Intelixencia, Consello, Fortaleza, Ciencia, Piedade e Temor de Deus.

PAN E VIÑO: Co pan e o viño traemos ante o altar o noso desexo de mellorar o mundo. Que nunca falten forzas nas nosas mans, ideas na nosa cabeza e vontade nos nosos corazóns para dispoñernos cara ao ben.



6. VÍDEOS OU PPW PARA ESTE DOMINGO: domingo de Pentecoste.

- Película, Evanxeo: <https://www.youtube.com/watch?v=yMNEYCiSSUA>
- Debuxos, Pentecoste: https://www.youtube.com/watch?v=h4_3nK_zO4M
- Debuxos, Pentecoste: <https://www.youtube.com/watch?v=aIJOUzM9XVv#t=11>
- Escena Pentecoste: <https://www.youtube.com/watch?v=-eLjVW5cU9k>
- Podes sentilo, reflexión: Podes sentilo <https://www.youtube.com/watch?v=NdLwo0AVjTE>
- Reflexión, Enviados a compartir vida: https://www.youtube.com/watch?v=SOH2ws4uj_A
- Película, Pentecoste: <https://www.youtube.com/watch?v=UNzoh47dVIE>
- Película, Pentecoste: <https://www.youtube.com/watch?v=GiK3KivjYSM#t=14>
- Ven Espírito Santo, canción: <https://www.youtube.com/watch?v=jMkFr-p-CBY&index=17&list=PL646FE3A66EF6373F>

*Cando estamos desorientados
 Podemos sentir que alguén nos guía na nosa cegueira.
 Cando estamos paralizados polo medo
 Podemos sentir algo que nos abraza con seguridade.
 Cando estamos indefensos
 Podemos sentir algo que nos protexe con forza.
 Cando estamos cheos de dúbidas
 Pode brillar en nós con pequenas luces a verdade.*

*"O espírito que sentides son eu que estou con vosco...
 Recibide o Espírito Santo", di Xesús.*

ORACIÓN AL ESPÍRITU SANTO DEL CARDENAL VERDIER	Oh Espíritu Santo, amor del Padre y del Hijo,	insíprame siempre lo que debo pensar,	lo que debo decir, cómo decirlo,	cómo debo actuar, lo que debo hacer,
para gloria de Dios, bien de las almas y mi propia santificación.	Espíritu Santo, dame agudeza para entender,	capacidad para retener, método y facultad para aprender,	sutileza para interpretar, gracia y eficacia para hablar.	Dame acierto al empezar, dirección al progresar, y perfección al acabar. Amén.